

奉節縣志卷二十五

政績

書云德惟善政政在養民是用六府修三事
治九功九敘播爲聲歌後之人思仁風之被
愛及甘棠樂陰雨之施膏茲苗黍志政績

後漢

樊顯後漢書張堪傳堪拜蜀郡太守蜀人
大悅後拜漁陽太守帝嘗召見諸郡計掾樊
顯進曰漁陽太守張堪昔在蜀仁以惠下威

奉節縣志

卷二十五

政績

能討姦前公孫述破時珍寶山積捲握之物
足富十世而堪去職之日乘折轅車布被囊
而已帝聞良久歎息拜顯爲魚復長

宋

唐介舊通志字子方湖廣江陵人天聖八
年進士爲奉節令其政以通民情理冤獄爲
先召授御史裏行劾張堯佐不得授宣徽使
又論文彥博以奇錦媚宮掖非大臣體貶英
州別駕天下想望其風采後梅溪王十朋守

夔檄奉節令喻思然立祠祀公自爲文祭之
喻思然益州人捫膝先生喻汝礪之子也乾
道中爲奉節令政先撫摩又立唐質肅公祠
以表章先賢秩滿歸省王梅溪贈詩云捫膝
先生有鳳毛三年魚邑試牛刀要令人被絃
歌化詎肯身辭州縣勞賢令首祠唐質肅詩
篇時出楚風騷西歸更勉家傳學雲我行看
九萬高

馮時行字當可巴縣人紹興狀元與朱松會

奉節縣志

卷二十五

政績

二

開等極言和議之非爲奉節縣尉陞知萬州
公平廉謹百姓立祠以祀有縉雲集行世

明

戴 儒湖廣巴陵人洪武中知奉節政善民
安多有遺愛

尤 良浙江平陽人天順中知奉節興革便
民重修縣志奏減逃糧民咸感之

萬同太湖廣麻城舉人萬厯中知奉節賢聲
丕著士民戴之行取內陞

徐映春江西南昌舉人崇禎中知奉邑處已
剛介治政公勤後陞元州知州民感其德建
有遺愛碑

施之朝江蘇舉人崇禎中知奉節才能並著
恩威兼施廉潔有聲士民戴德後陞陝西漢
中府同知陞任之日奉邑紳衿父老祖道江
干豎有去思碑

趙鳴鳳貴州普定衛舉人知奉節嚴於御下
勤於造士爲政有綱紀著作有文章至今士

奉節縣志

卷二十五

政績

三

民思慕嘗修邑志文獻實賴以傳云

李坤雲南澂江舉人知奉節銳意修職盡
心民事常節省里甲夫馬之費邑人至今感
之

國朝

陳漢良通志福建閩縣舉人康熙四年知奉
節修南街縣署在任十餘載民安政善吳逆
叛抗節不從致仕歸

栗生蘭通志遼東監生康熙十九年知奉節

惠政賢聲士民戴德旋陞陝西臨洮府同

王 涵 通志直隸進士康熙四十三年知奉節時邑多盜賊涵緝之甚嚴民賴以安

王漢周 通志字晉侯湖廣黃岡人康熙癸未進士知奉節有廉明聲累官陝西鞏昌府知府行篋中惟敝衣數事見者感歎

李作梅 通志湖北大冶縣舉人乾隆三十六年知奉節體恤民隱判斷虛公校士衡文樂育寒畯捐俸修補

奉節縣志

卷三十五

政績

四

文廟大成殿士民戴德

蔡 星直隸大興縣人嘉慶癸亥年任奉節前後十有二年間里瑣務無不備悉民畏其明而不敢欺感其惠而不忍犯公庭聞寂政簡人和操守潔清終始不渝山巖之民恆於節序奉米穀薪煤肩挑背負而至盈於庭階向上叩首而去亦莫知其姓氏也任內捐銀三千餘金修府縣文廟至今巍煥改置義學於文昌廟側僻靜不染囂塵人皆稱便後邑

人祀之

黃遵素字繪之號竹亭綿竹縣人乾隆丁酉舉人任奉節教諭時教匪跳梁素於烽警少靖卽勤訓士子與胡少崖共主蓮峯書院講席性嗜風雅時召生徒明晰四聲與詩賦之法每校課卷必爲辨正字畫示以顏魯公干祿碑今之郡士識詩律工字畫者素之力也後陞河南項城縣知縣

王如琯江西廬陵人嘉慶乙亥年知奉節性

奉節縣志

卷二十五

政績

五

慈惠斷事明察民畏而愛之培植文風捐廉創建耀奎塔於城東山麓自是鄉試獲售者甚多復設義學教貧民子弟後調巴縣士民祖饑思慕不置

鮑康字子年安徽歙縣人由舉人官內閣中書出守夔州履任後值庚午大水入城城不沒者僅北門一隅公開倉賑濟日派家丁囊錢給散窮黎以萬計水退後協同邑紳鮑忠壯捐挑沿街淤泥建草棚十餘處灾民始

獲棲息郡城廟宇傾圮過半次第捐修舉報
六屬貞烈節孝並捐建總坊對山建文峯塔
一座添助蓮峯書院膏火若干善政善教邑
人至今誦之

蒯德模字子範安徽合肥人由江蘇太倉州
知州擢夔州府知府先是郡城遭大水傾圮
公請帑重修捐萬金添助工貲版築完固民
賴以安創修文峯書院捐買田產數千金作
膏火費專考經學詩古都人士始知肆力於

奉節縣志

卷二十五

政績

六

根本之學委員入鄉勸民植桑養蠶以廣利
源並著有蠶桑實濟一書分給鄉村至今每
歲出絲若干業有成效復創設牛痘局自此
嬰孩無痘患皆公澤也

呂 輝字屏青河南永城縣人由拔貢朝考
知縣權奉節篆嚴明果決奸宄畏服先是晉
階書院在邑瀆東年久廢弛公爲之重修嗣
因士不便涉改建城北龍神祠左易名少陵
書院籌款數千金以資膏火多士賴之

汪 鑑字曉潭安徽旌德縣人由御史簡放夔州丰裁懍然不畏強禦臨事剖決如流募友門丁一切謝絕嘗望夔門險隘欲疏通以便行旅因籌款數萬金奏請創開峽路百餘里爲從來所未有餘款購書數萬卷分置七學署買田土若干畝作義塚以三千金修京師夔府會館以五千金存萬縣興發壽號生息作夔郡鄉會試及京官津貼費復創興旣濟會添置水龍以防火災嗣調補首郡以道

奉節縣志

卷三十五

政績

七

員簡用

楊澤溥字濟泉黔之畢節人咸豐辛酉以大挑知縣授奉節甫下車卽訪邑之素有鄉望者曰樊君啓善潘君煥相與講求治理一時仁風善政四境洋溢會髮逆犯楚境藍逆擾川東夔郡戒嚴公與邑紳善煥等督辦團練晝夜防堵以故賊不敢犯歲甲子邑大旱乙丑又旱斗米千六百文民不聊生遂會商潘樊諸人開倉賑濟以半價糶出全活饑民無

算公賦性仁慈愛民如子擢遷後邑民至今思之

奉節縣志

卷三十五

政績

八